

佛說稻芋經

關譯附東晉錄

六

如是我聞一時佛住王舍城耆闍崛山中與大比丘衆千二百五十人俱及大菩薩摩訶薩衆

爾時尊者舍利弗往至弥勒經行處弥勒舍利弗俱坐石上尔時尊者舍利弗問弥勒言今日世尊覩見稻芋而作是說汝等比丘見十二因緣即是見法即是見佛尔時世尊作是說已默然而住弥勒世尊何故說是修多羅復以何義說見十二因緣即是見法見法即是見佛皆以何義作如是說云何是十二因緣云何見因緣即是見法云何見法即是見佛尔時弥勒語舍利弗言佛世尊常說見十二因緣即是見法見法即是見佛十二因緣者無明緣行行緣識識緣名色名色緣六入六入緣觸觸緣受受緣愛愛緣取取緣有有緣生緣老死憂悲苦惱衆苦聚集為大苦陰作因是故佛說十二因緣云何是

法入正道分及涅槃果如来略說是法云何是佛能覺一切法故名為佛若以慧眼見真法身能成菩提所學之法云何見十二因緣即是見法見法即是見佛佛作是說十二因緣常相續起元生如實見不顛倒無生无作非有為無住无為非心境寂滅無相以是故見十二因緣即是見法常相續起無生如實見不顛倒无生无作非有為无住無為非心境寂滅无相以是故見十二因緣即是見無上道具足法身

尊者舍利弗問弥勒言云何名十二因緣弥勒答言有因有緣是名因緣法此是佛略說因緣相以此因能生是果如来出世因緣生法如来不出世亦因緣生法性相常住无諸煩惱究竟如實非不如實是真實法離顛倒法復次十二因緣法從二種生云何為二一者因二者果因緣生法復有二種有內因緣有外因緣外因緣法從何而生如似種能生牙從牙生業從業生節從節生莖從莖生穗從

佛說稻芋經 第三卷

穗生華從華生實无種故無牙乃至无有華實有種故牙生乃至有華故果生而種不作念我能生牙牙亦不作念我從種生乃至華亦不作念我能生實實亦不作念我從華生而實種能生牙如是名為外因生法云何名外緣生法所謂地水火風空時地種堅持水種濕潤火種成熟風種發起空種不作障導又假於時節氣和變如是六緣具足便生若六緣不具物則不生地水火風空時六緣調和不增減故物則得生地亦不言我能持水亦不言我能潤火亦不言我能成熟風亦不言我能發起空亦不言我能不作障導時亦不言我能令生種亦不言我從六緣而得牙牙亦不言我從數緣生雖不作念從尔數緣生而實從衆緣和合得生牙亦不從自生亦不從他生亦不從自他合生亦不從自在天生亦不從時方生亦不從本性生亦不從無因生是名生法次第如是外緣生法以五事故當知不断亦非常亦不從此至彼如牙

佛說稻芋經 第三卷

種少果則衆多相似相續不生異物
去何不斷從種牙根莖次第相續故
不斷去何非常牙莖華果各自別故
非常亦不種滅而後牙生亦非不滅
而牙便生而因緣法牙起種謝次第
生故非常種牙名相各異故不從此
至彼種少果多故當知不一是名種
少果多如種子不生異果故名相似
相續以此五種外緣諸法得生

內因緣法從二種生去何為因從無
明乃至老死無明滅即行滅乃至生
滅故則老死滅因無明故有行乃至
因有生故則有老死無明不言我能
生行行亦不言我從無明生乃至老
病死亦不言我從生生而實有無明
則有行有生則有老死是名內因次
第生法去何名內緣生法所謂六界
地界水界火界風界空界識界何謂
為地能堅持者名為地界何謂為水
能潤漬者名為水界何謂為火能成
熟者名為火界何謂為風能出入息
者名為風界何謂為空能無障碍者
名為空界何謂為識四陰五識亦言

稽首經 第四卷 傳

為名亦名為識如是衆法和合名為
身有漏心名為識如是四陰為五情
根名為色如是等六緣名為身若六
緣具足無損減者則便成身是緣若
減身則不成地亦不念我能堅持水
亦不念我能濕潤火亦不念我能成
熟風亦不念我能出入息空亦不念
我能無障碍識亦不念我能生長身
亦不念我從數緣生若无此六緣身
亦不生地亦無我无入無衆生无壽
命非男非女亦非非男非非女非此
非彼水火風乃至識等亦皆无我無
衆生無壽命乃至亦非此非彼
去何名无明無明者於六界中生一
想聚想常想不動想不壞想内生樂
想衆生想壽命想人想我想我所想
生如是種種衆多想是名无明如是五
情中生貪欲瞋恚想行亦如是隨著
一切假名法名為識四陰為名色陰
為色是名名色名色增長生六入六
入增長生觸觸增長生受受增長生
愛愛增長生取取增長生有有增長
故能生後陰為生增長變名為老

稽首經 第二卷 傳

受陰敗壞故名為死能生嫉熱故名
憂悲苦惱五情違害名為身苦意不
和適名為心苦如是等衆苦聚集常
在闇冥名為无明造集諸業名為行
分別諸法名為識有所建立名為名
色六根開張名為六入對緣取塵故
名為觸受覺苦樂故名為受如渴求
飲故名為愛能有所取故名為取起
造諸業故名為有後陰始起故名為
生住世衰變故名為老取後敗壞故
名為死追感往事言聲哀感名為憂
苦事來逼身是名苦惱追思相續故
名為悲煩惱纏縛故名為惱邪見妄
解名為无明以此邪解起於三業故
名為行善惡等業能受果報故名為
識從汙穢無記業生汙穢无記識不
動業生不動識從識生名色從名色
生六入從六入生觸從觸生受從受
生愛從愛生取從取生有從有生
從生有老死憂悲苦惱弥勒語尊者
舍利弗十二因緣各各有果非常非
斷非有為不離有為非盡法非離欲
法非滅法有佛無佛相續不斷如河

稽首經 第六卷 傳

駛流間無絕時

尔時弥勒重語尊者舍利弗十二因緣各各有因各各有緣非常非斷非有為不離有為非盡法非離欲法非滅法有佛無佛相續不斷如河駛流間則無絕能以四緣增長十二緣何等為四無明愛業識識為種體業為田體無明愛是煩惱體能生長識業為識田愛為潤漬無明覆植識種子業不作念我能生識種愛亦不作念我能潤漬無明亦不作念我能覆植識種識亦不作念我從尔所因緣復次業為識田無明為糞愛水為潤便生名色等牙而名色牙亦不從自生亦不從他生亦不從自他合生亦不從自在天生亦不從時方生亦不從體生亦不無因緣生復次欲樂父母精氣眾緣和合故生色牙无主無我无造無壽者猶如虛空如幻從眾因緣和合而生復次尊者舍利弗眼識從五因緣生云何為五眼色明空作意識便得生眼識依眼根以色為境界緣明以為照虛空不作障尋作意

妙法蓮華經 第七卷 佛

起發故生眼識如是眾緣若不和合眼識則不生而眼識亦不作念我能作體想色亦不作念我能作境界明亦不作念我能照了空亦不作念我能無尋作意亦不作念我能發起眼識眼識亦不作念我從數緣生如此眼識實假眾緣和合而生如是次第諸根生識亦如是說

復次舍利弗无有法從此世至他世但業果莊嚴眾緣和合便生又復舍利弗譬如明鏡能現面像鏡面各在異所而無往來物見同處又復舍利弗如月麗天去地四万二千由旬水流在下月曜於上玄象雖一影現眾水月體不降水質不昇如是舍利弗眾生不從此世至於後世不從後世復至於此然有業果因緣報應不可損減復次尊者舍利弗如火得薪便然薪盡則止如是業結生識周遍諸趣能起名色果无我無主亦無受者如虛空如熱時炎如幻如夢无有實法而其善惡因緣果報隨業不亡又復尊者舍利弗十二因緣亦從五因

妙法蓮華經 第七卷 佛

緣生非常非斷不來不去因少果多亦相似相續次第而生云何非常一陰滅一陰生滅非即生生非即滅故名非常云何不斷如秤高下此滅彼生故名不斷如實知見去何不來不去無有子去而至於牙亦无牙來而趣子所以是緣故無有從此至彼然實以少種能生多果云何相似而生如不善因生不善果如善因生善果以是故名相似相續而生又復舍利弗如佛所說能觀十二因緣是名正見若正觀十二因緣者於過去身中不生有想於未來身中亦不生无想眾生為從何來去何所至若沙門婆羅門及世間人成就諸見我見眾生見命見丈夫見吉不吉見如是十二因緣如多羅樹剪滅其首更不得生我見則除若人正見十二因緣若得如是思心尊者舍利弗若有眾生能忍是法此多陀阿伽度阿羅呵三藐三佛陀善逝世間解調御丈夫天人師佛世尊必為授阿耨多羅三藐三菩提記尊者舍利弗聞弥勒作是說

妙法蓮華經 第七卷 佛

已歡喜而去天龍夜叉軋闍婆阿修
羅及諸大衆頂礼弥勒歡喜奉行

佛說稻芊經

已亥歲高麗國大藏都監奉
勅彫造

稻芊經 第十張 傷

佛說稻芊經

校勘記

- 一 底本，麗藏本。
- 一 三一四頁上一行第四字「芊」，**南**、**徑**、**清**作「稗」，下同。
- 一 三一四頁上二行「闕譯」，**資**、**磧**作「失譯」；**南**、**徑**、**清**作「失譯人名」。
- 一 三一四頁上七行首字「弥」，**資**、**磧**、**南**、**徑**、**清**作「其弥」。
- 一 三一四頁上一〇行第三字「法」，**南**、**徑**、**清**作「法見法」。
- 一 三一四頁上一行第五字「住」，**南**、**徑**、**清**作「住舍利弗言」。
- 一 三一四頁上末行第三字「因」，**資**、**磧**、**南**、**徑**、**清**作「因緣」。
- 一 三一四頁中一行第二字「入」，**資**、**磧**、**南**、**徑**、**清**作「八」。
- 一 三一四頁中四行末字「見」，**資**、**磧**、**南**、**徑**、**清**作「云何見」。
- 一 三一四頁中二二行第八字，下六行第一字「種」，**資**、**磧**、**南**、**徑**、**清**

作「種子」。

- 一 三一四頁中二二行第一〇字「生」，**資**、**磧**、**南**、**徑**、**清**作「生於」。
- 一 三一四頁下三行第七字「念」，**磧**作「是念」。
- 一 三一四頁下四行首字「作」，**資**、**磧**、**南**、**徑**、**清**作「作是」。
- 一 三一四頁下六行第三字「生」，**資**、**磧**、**南**、**徑**、**清**作「生於」。
- 一 三一四頁下一六行第一〇字「得」，**資**、**磧**、**南**、**徑**、**清**作「得生」。
- 一 三一四頁下一七行「從數緣生」，**資**作「從而數緣生」；**磧**、**南**、**徑**、**清**作「從爾數緣生」，下同。
- 一 三一五頁上四行第四字「不」，**資**、**磧**、**南**、**徑**、**清**作「不從」。
- 一 三一五頁上一四行第一一字「生」，**磧**作「空」。
- 一 三一五頁下一一行第一一字「感」，**資**、**磧**、**南**、**徑**、**清**作「感」。
- 一 三一五頁下一二行「是名」，**資**、**磧**、**南**、**徑**、**清**作「名為」。

- 一 三一六頁上一行及五行「駛流」，
[南、清]作「駛流」。
- 一 三一六頁上一二行「所因緣」，[資、
磧、南、徑、清]作「數因緣生」。
- 一 三一六頁上一八行第九字「色」，
[資、磧、南、徑、清]作「名色」。
- 一 三一六頁中三行第三字「想」，[資、
磧、南、徑、清]作「相」。
- 一 三一六頁中一七行第四字「此」，
[資、磧、南、徑、清]作「此世」。
- 一 三一六頁中末行第七字「十」，[資、
磧、南、徑、清]作「內十」。
- 一 三一六頁下二〇行首字「忍」，[資、
磧、南、徑、清]作「思」。